



HM Government

Grenfell
community
updates

Grenfell Tower community update: March 2026 - Tagalog / Tagalog

Update sa komunidad ng Grenfell Tower: Marso 2026

Kinikilala namin na ang Grenfell Tower ay may malalim na personal na kahalagahan para sa mga pinakaapektado ng trahedya at na ang lupain ay sagrado para sa mga pamilya.

Gusto naming maging updated kayo sa aming gawain sa maingat na paggiba ng Tower. Sa update na ito, malalaman ninyo ang higit pa tungkol sa:

- **Kaligtasan ng site**
- **Mga heart banner ng Grenfell**
- **Pagpapailaw sa tower**
- **Pagsubaybay sa impormasyon tungkol sa alikabok, pagyanig, at ingay**
- **Suporta sa kalusugan at kapakanan**
- **Kung paano makikipag-usap sa amin o makakakuha ng karagdagang impormasyon**

Makikita n'yong ang mga nakaraang update sa: www.gov.uk/grenfell-community-updates

Kaligtasan ng site

Alam namin na may ilang residente ang nagtanong tungkol sa kaligtasan ng crane sa site ng Grenfell Tower matapos bumagsak ang isang crane sa ibang construction site sa West London kamakailan lang ngayong buwan. Pinakamahalaga sa amin ang kaligtasan ng mga residente at ng mga nagtatrabaho sa site, at ito ay ayon sa batas. Regular na iniinspeksyon ang lahat ng kagamitan sa site, at araw-araw isinasagawa ang mga pagsusuri sa kaligtasan. Mag-email sa amin sa:

GrenfellTowerSite@communities.gov.uk kung mayroon kayong anumang alalahanin at nais n'yong makipag-usap sa site team o sa pangunahing contractor na Deconstruct UK.

Mga heart banner ng Grenfell

Ililipat ang posisyon ng mga ilaw ng banner sa katapusan ng buwan upang tumutok pataas sa mga banner. Mananatili sa puwesto ang mga banner para sa ika-siyam na anibersaryo sa Hunyo, at pagkatapos ay aalisin at ligtas na itatabi sa site, kasama ang lahat ng naunang set.

Pagpapailaw sa tower

Narinig namin na mahalaga na may nakikitang paalala habang maingat na ginigiba ang Tower. Magpapatuloy ang pag-ilaw ng mga sinag na nakatutok paitaas sa bawat sulok ng Tower gabi-gabi, mula dapithapon hanggang 11pm. Bukas din gabi-gabi ang mga ilaw sa mga heart banner ng Grenfell mula dapithapon hanggang 11pm.

Pagsubaybay sa impormasyon tungkol sa alikabok, pagyanig, at ingay

Nangangako ang pamahalaan na titiyakin na ang lahat ng gawain sa site ng Grenfell Tower ay isasagawa ayon sa pinakamataas na pamantayan. Nananatiling pangunahing prioridad namin ang kaligtasan at kapakanan ng komunidad at ng mga taong nagtatrabaho sa site. May mga monitor sa site na kumukuha ng live data tungkol sa alikabok, pagyanig, at ingay. Inilalathala ang data buwan-buwan. Para makita ang pinakabagong mga ulat, puwede mong i-click ang mga link sa ibaba:

[Ulat ng pagsubaybay sa alikabok: Pebrero 2 hanggang Marso 1, 2026](#)

[Ulat ng pagsubaybay sa pagyanig: Pebrero 2 hanggang Marso 1, 2026](#)

[Ulat ng pagsubaybay sa ingay: Pebrero 2 hanggang Marso 1, 2026](#)

Patuloy na susuriin at imo-monitor ng UK Health Security Agency (UKHSA) ang kalidad ng hangin sa paligid ng Grenfell Tower habang isinasagawa ang trabaho. Ipinapaskil nito ang mga ulat bawat buwan. Maaari ninyong tingnan ang pinakabagong ulat dito:

[Environmental monitoring following the Grenfell Tower fire - GOV.UK](#)

Suporta sa kalusugan at kapakanan

Patuloy na magiging available ang suporta para sa emosyonal at pisikal na kagalingan ng mga pamilyang naulila, mga nakaligtas, at mga residente sa paligid habang isinasagawa ang maingat na paggiba sa Grenfell Tower. Kung nais n'yo ng taong makakausap, puwede kayong:

- Tumawag sa Grenfell Wellbeing Service sa 020 8637 6279 (8am hanggang 8pm, araw-araw).
- Tumawag sa single point of access advice line ng Central and North West London NHS Foundation Trust (CNWL) sa oras ng emergency, sa: 0800 0234 650 (bukas 24 na oras sa isang araw, pitong araw sa isang linggo).
- Email: grenfell.wellbeing@nhs.net
- Bisitahin ang: www.grenfellwellbeing.cnwl.nhs.uk para sa karagdagang impormasyon.

Para sa pinakabagong impormasyon tungkol sa mga available na serbisyo, bisitahin ang www.grenfell.nhs.uk

Kung paano makikipag-usap sa amin o makakakuha ng karagdagang impormasyon

Nais naming magbahagi ng impormasyon sa paraan na makabuluhan sa inyo.

Magpapatuloy kami sa pagbabahagi ng mga regular na update at impormasyon sa:
www.gov.uk/grenfell-community-updates

Mag-email sa amin sa: GrenfellTowerSite@communities.gov.uk sa:

- Magsaayos ng pakikipag-usap sa amin, o sa pangunahing contractor ng site ng Grenfell Tower, DCUK, sa oras, petsa, at lugar na komportable at angkop para sa inyo.
- Magtanong ng anumang mga katanungan o ibahagi ang anumang alalahanin tungkol sa gawain ng maingat na paggiba sa Tower.
- Sabihin sa amin kung gusto n'yong ipadala namin ang aming mga regular na update direkta sa inyo.
- Kung nais ninyo, puwede n'yong ibahagi ang inyong mga saloobin tungkol sa kung paano kami nakikipag-usap at nakikipag-ugnayan sa inyo. Malugod naming tinatanggap ang inyong mga pananaw.

Para sa pinakabagong mga update sa Grenfell Tower, at upang mag-sign up para sa mga notification sa email, pumunta sa: www.gov.uk/grenfell-community-updates so i-scan ang QR code sa ibaba.

